



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Enchiridion Sev Manuale Episcoporum Pro Decretis in
Visitatione, & Synodo, de quacumque re condendis.**

Gavanti, Bartolommeo

Venetiis, 1650

Praefatio Ad Lectorem.

urn:nbn:de:hbz:466:1-9534

PRÆFATIO AD LECTOREM.



DIT A utraque Praxi, tum compendiaria Visitationis Episcopalis, tum exactissima Diocesana Synodi, illud unum reliquum erat, & pernecessarium, ut quam breuissima quoque methodo materiam vniuersam Decretorum, & Visitationi, & Synodo suppeditarem. Hanc ego puto presenti volumine traditam, scilicet, copiosam, perbreuem, ordinatam. Copiosam; quia non eatantum, que hodierno vsui deseruiunt, sed multo plura, que Episcopum scire decet, respectu Cardinalium, Patriarcharum, Archiepiscoporum, Abbatum, & aliorum minimè sibi subiectorum, ut suum cuiq; tribuat Episcopus sine propria potestatis præiudicio. Perbreuem, quia veluti per Aphorismos, seu axiomata, paucissimis verbis contentus, omissa Doctorum multiplici citatione, res ipsas commostro. vno vel altero Doctore citato, & libentius recentiore, qui ab alijs, & qui fusijs eadem explicat, vel ex professo probat. Ordinatam denique; quia Summistarum more, ordine Alphabetico, titulos inuenies, supra ducentos, & in vnoquoque titulo, vel doctrina, vel actionum ordinem obseruare poteris.

Porrò ipsimet Aphorismi in triplici sunt differentia: alij definitiuam (ut ita loquar) habent sententiam; cuiusmodi sunt ij, qui auctores habent Patres Concily Tridentini, Interpretes eiusdem Concily Eminentissimos, Iudices controuersiarum inter Episcopos, & Regulares, Libros prohibitorum, & Sanctissima Inquisitionis, Sacrorum Rituum, & quos magis veneramur, Summos Pontifices; a quibus ne latum quidem declinare debemus. Alij partim definitiuam, partim consultiuam, respectu diuersorum: & ij sunt, qui ex Concilijs septem Prouincialibus Ecclesie Mediolanensis hausti sunt, recognitis, & approbatis a Sede Apostolica, quos Episcopi illius Prouincia tenentur sequi; si verò sequantur & alij extra Prouinciam, sine dubio modicam merebuntur laudem. Reliqui, quos placita Doctorum dixerim (dum eorum nonnulli negant, affirmant alij) consultiuam tantum habere videntur sententiam: tu benigne Lector, a quo volueris, poteris stare. Breuioribus, ad breuitatem opusculi vtor Notis in citandis auctoribus, quas tamen explicabis faciliè, his adnotatis.

(Conc. Trid.) hoc est Concilium Tridentinum.

(Pius V. Anno 1569. & siml.) hoc est in Bullario Pontificio, Constitutione illius anni de materia, de qua Aphorismus: vel Decretum editum, & impresso eo anno Romæ.

(Decisum refert) idest, a S. Congregatione Interpretum Concily Tridentini.

(Congr. S. Rit.) idest: Congregatio S. Rituum.

(Congr. Ep.) scilicet. Congregatio Card. super negotia Episcoporum, & Regul.

Prædicta vero Decreta indicasse sit satis, ut originalia, si opus sit, curare facilius possit.

Asterisco notata sunt ea, que Romano prælo data, iussu maiorum fuerunt pro tempore promulgata.

(Congr. Ind. librorum, & S. Inquisitionis,) non nisi impressa, & vulgata commemorauit Decreta.

(Prou. 1.2.3.4.5.6.7.) hoc est, Concilia Prouincialia Mediolanensia iam edita, & prælo data.

Reliqui auctores patent, & præmanibus habentur omnium; vnde, uti receptos vsu communi eos citavi idcirco libentissimè.

Si quid in his laude dignum est, Deo, & auctoribus, vnde sumpsi; tribue: si quid errati, mihi ignosce, benigne Lector, & Vale.